

# JAVNI POZIV INSTITUCIJAMA VLASTI ZA PODRŠKU U PROVEDBI ISTRAŽIVANJA I IZRADI NACRTA STRATEŠKOG DOKUMENTA ZA MLADE

**Institut za razvoj mladih KULT poziva institucije vlasti u Bosni i Hercegovini da dostave prijavu na Javni poziv za podršku u provedbi istraživanja i izradi nacrtu strateškog dokumenta za mlade. Institut za razvoj mladih KULT će podržati odabrane institucije vlasti u izradi strateškog dokumenta za mlade (strategija prema mladima/omladinska politika).**

## Pozadina

Institut za razvoj mladih KULT (u daljnjem tekstu: Institut) od svog osnivanja aktivno radi i saraduje s institucijama vlasti u Bosni i Hercegovini na izradi i provedbi uspješnih i održivih politika prema mladima. Kao jedan od svojih ključnih pravaca djelovanja, Institut je postavio pružanje podrške institucijama vlasti u Bosni i Hercegovini u provedbi zakona koji uređuju pitanja institucionalne brige o mladima.

U pravnom sistemu Bosne i Hercegovine ne postoji zakonska regulativa koja se bavi pitanjima mladih na državnom nivou, te su prava mladih regulirana na entitetskom odnosno nivou Brčko distrikta BiH, i to Zakonom o mladima Federacije Bosne i Hercegovine („Službene novine Federacije BiH“, broj 36/10), Zakonom o omladinskom organizovanju Republike Srpske („Službeni glasnik Republike Srpske“, broj 98/04, 119/08 i 1/12) i Zakonom o mladima Brčko distrikta BiH („Službeni glasnik Brčko distrikta BiH“, broj 18/17). Sva tri Zakona, pored toga što naglašavaju važnost poštivanja ljudskih i građanskih prava mladih, definiraju dodatna prava za mlade u društvu ali i obaveze vlasti u pružanju podrške mladima, prije svega kroz definiranje, usvajanje i provođenje strateških dokumenata za mlade.

Institut posjeduje bogato iskustvo i značajan referentni spisak institucija vlasti s kojima je aktivno radio na provedbi istraživanja o položaju mladih i izradi analize, kao i na planiranju, izradi i procesu zagovaranja za usvajanje strateških dokumenata za mlade. Zajedničkim radom sa više od 30 institucija vlasti Institut je postigao da ove institucije kreiraju dugoročne planove za rad s mladima i vode institucionalnu brigu o obrazovanju, zapošljavanju, socijalnoj i zdravstvenoj zaštiti, sigurnosti te slobodnom vremenu mladih (kultura, sport, aktivizam, volontiranje i mobilnost mladih).

S obzirom da i dalje postoji potreba za podrškom u provedbi istraživanja o položaju i potrebama mladih te izradi strateških dokumenata za mlade, a koja je iskazana od strane institucija vlasti, Institut raspisuje **Javni poziv institucijama vlasti za podršku u provedbi istraživanja i izradi nacrtu strateškog dokumenta za mlade.**

Podrška Instituta odabranim institucijama vlasti će, pored savjetodavne i stručne pomoći u izradi strateškog dokumenta, uključivati i finansijsku podršku. Troškovi neophodni za provedbu zakonskih odredaba koje se odnose na izradu strateških dokumenata za mlade, bit će podijeljeni između institucije vlasti i Instituta.

## Kriteriji i procedura za prijavu

Na Javni poziv se mogu prijaviti institucije vlasti u Bosni i Hercegovini koje ispunjavaju sve navedene kriterije:

- Institucija vlasti je donijela odluku o izradi strateškog dokumenta za mlade (strategija prema mladima/omladinska politika) ili je u procesu donošenja odluke.
- Institucija vlasti ima osobu koja će biti zadužena za koordinaciju procesa (poželjno službenik/ca za mlade).
- Institucija vlasti u trenutku podnošenja prijave na Javni poziv nema važeći strateški dokument za mlade (strategija prema mladima/omladinska politika) ili navedeni dokument ističe tokom 2022. godine.
- Institucija vlasti će osigurati sredstva za provedbu istraživanja i izradu analize o položaju i potrebama mladih u iznosu od 4.500,00 KM do 6.000,00 KM, u skladu sa potrebama i metodologijom rada na ovom dijelu dokumenta.

- Institucija vlasti će osigurati dodatna sredstva za provedbu procesa izrade strategije prema mladima u skladu sa svojim mogućnostima i opredjeljenjem, a koja se odnose na izradu dokumenta strategije prema mladima ili aktivnosti koje mogu pratiti ovaj proces.

Podrška Instituta se odnosi na:

- Izradu metodologije istraživanja o položaju i potrebama mladih,
- Izradu metodologije za razvoj strategije,
- Obuku koordinacionog tijela i radnih grupa,
- Podršku radu koordinacionog tijela i radnih grupa u izradi strategije i
- Podršku u izradi nacrta dokumenta na osnovi prikupljenih podataka od institucija vlasti te istraživanja o položaju i potrebama mladih.

Popunjavanjem i slanjem prijave na Javni poziv institucije vlasti se prijavljuju za učešće.

Nakon potpisivanja ugovora s Institutom, odabrane institucije vlasti će imenovati koordinaciono tijelo i radne grupe koje će aktivno učestvovati u izradi strateškog dokumenta za mlade, što podrazumijeva učešće na sastancima, dostavljanje potrebnih informacija i dokumentacije, pisanje komentara, zaključaka i preporuka kao i uključivanje mladih i njihovih predstavnika u proces izrade strategije.

### Potrebna dokumentacija

1. Popunjen prijavni obrazac koji popunjavate u potpunosti online nakon registracije u APPLY putem ovog [linka](#).
2. Kopija odluke o izradi strategije prema mladima/omladinske politike ili izjava odgovorne osobe da institucija vlasti želi izraditi strateški dokument za mlade (dovoljan je jedan od navedenih dokumenata).

### Info sesije

Institut će organizovati **četiri info sesije**, tri koje će biti održane u Banja Luci, Mostaru i Bijeljini te jednu koja će biti organizovana online. Cilj info sesija je predstaviti predstavnicima institucija vlasti:

- korake u izradi strategije prema mladima,
- obaveze koje imaju institucije u procesu izrade strategije,
- važnost izrade i usvajanja strateških dokumenata za mlade,

Svaka info sesija će ponuditi prostor za pitanja i odgovore u pravcu što boljeg razumijevanja zakonskog okvira, ali i mogućnosti institucija vlasti.

### Lokacije i termini info sesija

1. Banja Luka 28.11.2022., 11.00-13.00h
2. Mostar 2.12.2022., 11.00-13.00h
3. Bijeljina 6.12.2022., 11.00-13.00h
4. Online info sesija (ZOOM) 23.11.2022., 11.00-13.00h

Prijavu na info sesiju možete izvršiti na <https://s.mladi.org/obrazac-strategijazamlade>. Potrebno je da odaberete zajednicu koja vam najviše odgovara ili online info sesiju. Prijave možete izvršiti dan prije info sesije na koju se prijavljujete.

## Tehničke informacije

Puni tekst Javnog poziva kao i svi potrebni obrasci dostupni su na online platformi za upravljanje grantovima APPLY na linku: <https://kult.smapply.io/prog/CHANGE/>

Od institucija se traži da dostave popunjen prijavi obrazac u elektronskom obliku, sa svim traženim priložima, nakon što se registrišu kao organizacija (*organisation*) na online platformi za upravljanje grantovima APPLY. U sklopu prijave institucije trebaju popuniti sve podatke koji se tamo traže i odabrati komponentu na koju apliciraju unutar Programa, nakon čega će dobiti automatsku e-mail potvrdu o prijemu aplikacije. Prijave koje ne budu dostavljene na navedeni način neće biti uzete u razmatranje.

Svi potencijalni aplikanti trebaju pristupiti registraciji na online platformi APPLY čim prije kako bi se upoznali s uvjetima i tehničkim postavkama aplikacije, a putem linka: <https://KULT.smapply.io/prog/CHANGE>. Molimo institucije da link spase u svoje kratice (*bookmarks*) ako namjeravaju aplicirati na ovaj ili neki budući poziv Instituta. Detaljne instrukcije o procesu registracije dostupne su na linku: <https://kult.smapply.io/res/p/tehnice-instrukcije/>.

Institucije koje su već registrirane na platformi APPLY mogu dobiti više informacija klikom na dugme „Pages“ u gornjem desnom uglu. Ako je aplikacija već započeta, ali institucija ne vidi do sada ostvareni napredak, potrebno je kliknuti na ime administratora organizacije u gornjem lijevom uglu APPLY *dashboarda* i odabrati naziv institucije ispred koje se aplicira.

Institucije se mole da pažljivo pročitaju tekst Javnog poziva prije nego što počnu s procesom apliciranja.

## Rok za dostavljanje prijave

Od zainteresiranih institucija vlasti traži se da prijavu na Javni poziv zajedno sa traženom dokumentacijom dostave putem [linka](#) najkasnije do 1.2.2023. godine do 23.59h.

Prijave koje ne budu dostavljene na način opisan u Javnom pozivu neće biti uzete u razmatranje.

Prijave na Javni poziv koje pristignu nakon navedenog roka kao i prijave na neodgovarajućim obrascima neće biti uzete u razmatranje.

## Ishod Javnog poziva

Komisija će ocijeniti i pristigle prijave onako kako one budu i pristizale, a ne samo na kraju samog poziva. Institut će u pisanom obliku obavijestiti sve prijavljene institucije vlasti o ishodu Javnog poziva.

Prijave koje budu pozitivno ocijenjene, ulaze u fazu pregovora i fazu potpisivanja ugovora.

## Dodatne informacije

Sva pitanja koja se tiču ovog poziva dostavljaju se isključivo putem e-mail adrese: [jasmina.banjaluickic@kultbih.org](mailto:jasmina.banjaluickic@kultbih.org) (Subject/predmet: 21.04.1-N2.3.647 - *Upit*).